

Գ. Ս. ԴԱՆԻԵԼՅԱՆ

ՕՍՄԱՆՅԱՆ ԿԱՅՍՐՈՒԹՅՈՒՆՈՒՄ ԲՈՂՈՔԱԿԱՆ ՄԻՍԻՈՆԵՐՆԵՐԻ
ԳՈՐԾՈՒՆԵՈՒԹՅԱՆ ՊԱՏՄՈՒԹՅՈՒՆԻՑ
(XIX Դ. ՎԵՐՋ XX Դ. ՍԿԻՋՐ)

Օսմանյան կայսրությունը վաղուց ի վեր եղել է կապիտալիստական երկրների էքսպանսիայի օբյեկտ։ Սկզբնապես նրանք իրենց այդ գիտավորությունները հիմնականում իրականացնում էին Թուրքիայում միսիոներական և լուսավորական կազմակերպություններ հիմնելու միջոցով։

Իրենց պետությունների անմիջական աջակցությամբ այդ կազմակերպությունները զբաղվում էին սեփական մշակույթի ու լեզվի պրոպագանդամբ, իրենց երկրի տնտեսական և քաղաքական շահերի հետամտմամբ՝ ձգտում էին երիտասարդությանը դաստիարակել այդ շահերին ձեռնառու ոգով։

Օգտագործելով կապիտուլացիոն ռեժիմը, XVI դ. Ֆրանսիան սկսեց Թուրքիա ուղարկել զանազան հոգևոր միաբանությունների ներկայացուցիչների։ Թուրքիայի տարածքում միսիոներական առաջին ուսումնական հաստատությունը 1583 թ. հիմնեցին ճիզվիտները¹։ Դա Կոստանդնուպոլսի (Ղալաթիա) Սեն-Բենուա կոլեջն էր։ Հետագայում կաթոլիկական միաբանությունները Օսմանյան կայսրության զանազան շրջաններում հիմնեցին ևս մի շարք ուսումնական հաստատություններ։ Ֆրանսիացի միսիոներների պրոպագանդան հատկապես հռանդուն բնույթ էր կրում Սիրիայում, Լիբանանում և Միջագետքում։ Ֆրանցիսկյան և ճիզվիտական միաբանությունները ոչ պակաս հռանդուն էին գործում նաև Կիլիկիայում և Թուրքիայի արևելյան վիլայեթներում։ «Փոքր Ասիայի բոլոր նշանակալից կենտրոններում, — հետագայում նկատել է Վ. Ի. Սեմյոնովը, — կան կաթոլիկական միաբանությունների միջոցներով պահվող ֆրանսիական դպրոցներ»²։

Ֆրանսիացիների հիմնած կաթոլիկական ուսումնական հաստատություններից բացի, Թուրքիայում բացվել էին նաև իտալական և այլ դպրոցներ:

Համաշխարհային առաջին պատերազմի նախօրեին կաթոլիկ հոգևորականությունը երկրում հիմնել էր 500 դպրոց, որոնցում ուսում էր ստանում 59.414 աշակերտ³: Իսկ կաթոլիկների ընդհանուր թիվը Օսմանյան կայսրությունում հասնում էր 800—900 հազարի⁴:

Միսիոներական դպրոցների, ինչպես նաև բարեգործական և այլ հիմնարկների գործունեությանը ուղղություն էին տալիս Թուրքիայում եվրոպական տերությունների պաշտոնական ներկայացուցիչները: 1878 թ. այցելելով էրզրումի որբանոցը, Վ. Դուխովսկայան գրում էր, որ ֆրանսիական հյուպատոսը այստեղ աշխատող քույր-ֆրանսուհիներին «անընդհատ հիշեցնում էր», թե «ներանք կոչված են ուսուցանելու երեխաներին, օգնելու աշխատանքներին ու հիվանդներին»⁵:

Սակայն այս «մարդասիրական» հայտարարությունները նպատակ ունեին սքողել զաղութային տերությունների՝ այլասիրությունից շատ հեռու շահերը, ապահովել սեփական տնտեսական և քաղաքական ազդեցությունը Թուրքիայում: Միսիոներները առանձնահատուկ ուշադրության էին արժանացնում Օսմանյան կայսրության ծայրամասային շրջանները, մասնավորապես Արևմտյան Հայաստանը: Դա բացատրվում է մի շարք պատճառներով, որոնցից հատկապես ուշադրության է արժանի հետևյալ հանգամանքը՝ Օսմանյան կայսրության քրիստոնյա ճնշված, իսլամացման վտանգից ահաբեկված ժողովուրդները, որ շարունակ ձնթակա էին ազգային փոքրամասնությունների նկատմամբ գործադրվող հալածանքներին ու իրավական սահմանափակումներին, որպես բռնի թուրքացումից փրկվելու միակ միջոց գերադասում էին կաթոլիկություն կամ, ավելի ուշ, բողոքականություն ընդունել:

Օգտվելով այս հանգամանքից, միսիոներները ծավալում էին իրենց պրոպագանդան, հույներին և հայերին խոստանալով, որ նոր դավանանք ընդունելու դեպքում նրանք կազատվեն հարկերից, այլևս «գլավուր» չեն կոչվի և, անցնելով մեծ տերությունների հովանավորության տակ, կփրկվեն բռնի ունչացման վտանգից: Մատերնո Քյուրեն, իր «Մարաշի ջարդը» աշխատության մեջ, խոսելով կաթոլիկ միսիոներների հետապնդած նպատակների մասին, ընդգծում է, որ կաթոլիկության պրոպագանդան ուղղված էր խանգարելու հայերի թուրքացմանը⁶:

Սա էլ միսիոներներին հիմք էր տալիս կարծելու, որ կայսրության՝ քրիստոնյաներով բնակեցված շրջանները դյուրին ճանապարհ են իրենց նպատակներին հասնելու համար:

Այսպես օրինակ, անգլիացի միսիոներ Գ. Յանդը, ինչպես վկայում է նրա ամերիկացի գործընկեր Սայրըս Համլինը, այն կարծիքին էր, թե «հայ ցեղը այն ռաց դուռն է, որով հնարավոր է Թուրքիա մտնել»¹: Պատրաստվելով ըստ ամենայնի տիրել այդ «բաց դուռնը», անգլիացիներն արդեն 1701 թ. ստեղծեցին «Աստվածաշնչի տարածման ընկերություն», 1792 թ. երևան եկավ «Մկրտիչ-միսիոներների ընկերությունը», 1795 թ.² «Միսիոներների լոնդոնյան ընկերությունը», իսկ 1800 թ.³ «Անգլիական եկեղեցու միսիոներական ընկերությունը» և այլ ընկերություններ⁴: Ընդ որում, հավատարիմ աուրիշի ձեռքով կրակից շագանակ հանելու» իրենց ավանդական քաղաքականությանը, անգլիական գաղութարարները Թուրքիայում գործունեության ասպարեզը թողել էին ամերիկյան միսիոներներին, ակնկալելով նրանց միջոցով ձեռք բերել «համակիր և գործունյա տարր»⁵: Այս դիտավորությամբ նրանք ամերիկացիներին օգնում էին Թուրքիայում միսիոներական դպրոցներ ստեղծելու գործում: Այսպես, Ռոբերտ-կոլեջը բացելու համար Համլինին ֆինանսական օգնություն ցուցաբերելու նպատակով Անգլիայում կազմվեց «Թուրքիայի միսիոներությանը օգնող ընկերություն»: Միաժամանակ, 1846 թ. Մալաթիայում հիմնվեց անգլիական միսիոներական դպրոց⁶: Այդ տարիներին Կոստանդնուպոլսում կար երկու, իսկ ամբողջ երկրում՝ 178 անգլիական դպրոց, որտեղ սովորում էին 12800 աշակերտ⁷: Ա. Ալպոյաճյանն այս առթիվ գրում էր. «Հակառակ անոր, որ Անգլիա առ երեւոյթ հայերով զբաղելէ քաշուած էր, սակայն Թուրքիայ դաշտը լքած չէր: Միայն Ռուսիոյ հետ բախում ոմենալէ կղզուշանար և հայերու մէջ բնաւ չէր դործեր, բայց Պաղեստինի հրէից քաղցըլթեան պատրուակով կը մնար»⁸:

Այսուհանդերձ անգլիացիների հոգևոր ազդեցությունը Թուրքիայում նշանակալից էր:

Այս իրադրությամբ պետք է բացատրել այն հանգամանքը, որ Օսմանյան կայսրությունում այդ տարիներին հատկապես լայն գործունեություն էին ծավալել ամերիկյան միսիոներները⁹: 1810 թ. Բոստոնում կազմակերպվեց «Օտարերկրյա կրոնական միսիաների լիազորների ամերիկյան խորհուրդ» անունը կրող բարեգործական ընկերությունը, որը Թուրքիայում իր գործունեությունն սկսեց 1820 թ., երբ

միսիոներ Զերնը ու Վերկեստը Զմյուռնիայում դպրոց և տպարան բացեցին¹⁴։ Նրանցից հետո ժամանեցին միսիոներներ Մ. Ֆրսկը և Լ. Փարսոնսը։ 1821 թ. Մ. Ֆրսկը այստեղից մեկնեց Կահիրե, իսկ Լ. Փարսոնսը՝ Օրուսադեմ։ Ակնկալված հաջողության չհասնելով, ամերիկյան միսիոններն իրենց կենտրոնը փոխադրեցին Հալեպ։ 1823 թ. Բեյրութում հիմնադրվեց Վիլիամ Դուդլը։ Ամերիկյան միսիոներների գործունեությունը հասկապես բավականապես XIX դ. 30-ական թվականներին, Վաճաքի նոր շուկաներ ձևաբերելու ձգտող ամերիկյան բուրժուազիան 1830 թ. Թուրքիայի հետ կնքեց պայմանագիր, որը ԱՄՆ-ին տալիս էր կապիտալացիոն իրավունքներ և ճանաչում նրան որպես «Թուրքիայում ամենամեծ արտոնությունների իրավունք ունեցող պետության»¹⁵։ Օգտվելով դրանից «Օտարերկրյա կրոնական միսիոներն զբոծով լիսզորների ամերիկյան խորհուրդը» 1831 թ. Կոստանդնուպոլիս ուղարկեց Վ. Գուրելին։ 1832 թ. այստեղ եկան նաև մինչ այդ Արևմտյան Հայաստանում ճանապարհորդող միսիոներներ Դուայթը և Մմիթը¹⁶։ Նրանց ջանքերով 1834 թ. Կոստանդնուպոլսի Պերա թաղամասում հիմնադրվեց առաջին դպրոցը։ Շուտով ամերիկյան միսիոներների ցանցը այնքան ընդլայնվեց, որ XIX դ. 40-ական թթ. միայն Կոստանդնուպոլսում գործում էր բողոքականների 5 դպրոց¹⁷։ 1834 թ. միսիոներները հիմնավորվեցին Իզմիրում, Բուրսայում, Տրապիզոնում, 1845 թ. ամերիկյան միսիոներները թափանցեցին Մարաշ և Զեյթուն, իսկ 1877 թ.՝ Այնթապ, 1848 թ. միսիոներական կենտրոններ բացվեցին նաև էրզրումում¹⁸։ «Մ. Վ. ժամանակից ի վեր,—գրում էր Ա. Նրիցովը,—առատաձեռնորեն տրվող վարկերի, ինչպես նաև այստեղի միսիոներական հյուպատոսական գործակալությունների նկատմամբ Հյուսիս-ամերիկյան նահանգների ցուցաբերած հովանավորության շնորհիվ քաղաքում և մի քանի հարևան գյուղերում ջանադրաբար զարգանում է բողոքականությունը»¹⁹։

Ամերիկյան կառավարությունը սատարելով միսիոներների հաջողությանը, հույս ուներ Արևմտյան Հայաստանում ամրապնդել իր ազդեցությունը և դրանով իսկ խոչընդոտել հայերի միջավայրում ուսական կողմնորոշման զարգացմանը։

Ամերիկյան բողոքականները ամբողջ Փոքր Ասիան ծածկեցին դպրոցների ցանցով, որտեղ քրիստոնյաների երեխաները դաստիարակվում էին բողոքականության ոգով։ Միսիոներների պառակտյալական գործունեության հետևանքով 1847 թ. հոկտեմբերի 3-ին հայ-բողոքականները անջատվեցին լուսավորչականներից և առանձին համայնք կազմեցին²⁰։

ինչ ասել կուղի, Օսմանյան կառավարութիւնը ձեռնտու էր խորացնել հայերի կրօնական անմիաբանութիւնը՝ նրանց միասնականութիւնը պառակտելու միջոցով աղգային-աղատագրական շարժումը թուլացնելու նկատառումով:

Այդ իսկ պատճառով սուլթան Աբդուլ Մեջիդը 1850 թ. նոյեմբերի 27-ի իր ֆերմանով հաստատեց ինքնուրոյն բողոքական համայնքի ստեղծումը, նրանց թուլատրելով ունենալ հոգևոր ղեկավար, որին ենթարկվում էին նաև կայսրութիւն մյուս բողոքականները (ասորիներ, հույներ և այլք)²¹:

Բողոքական համայնքի պաշտոնական նանաչումը նշանակում էր բողոքական եկեղեցուն ավելի մեծ հնաբանութիւն տալ հույների և հայերի շրջանում իր ազդեցութիւնը տարածելու համար (դպրոցական, բարեգործական հիմնարկների ցանցի ընդլայնում, ինչպես նաև հիվանդանոցների, որբանոցների հիմնում, որոնք լայն տարածում ստացան հատկապես 1894—96 թթ. հայերի կոտորածներից հետո): Ամերիկյան կառավարութիւնը, ինչ խոսք, ըստ ամենայնի աջակցում էր իր միսիոներներին՝ այդ քաղաքականութիւն իրականացման գործում:

Էրզրումից հետո ամերիկյան բողոքական միսիայի ներկայացուցիչները երևացին Բիթլիսում²²: Միաժամանակ սկսվեց նրանց «քարոզչութիւնը» հարփութի հայերի շրջանում: Նրանց գործունեութիւն սկիզբը այստեղ վերաբերում է 1852 թ., երբ Դենմորը հարփութում հիմնեց բողոքական եկեղեցի և դպրոց: Հատուկ ուշադրութիւն են արժանի միսիոներներ Հյուլլերն ու Ալենը, որոնց 1859 թ. հարփութում հիմնած աստվածաբանական դպրոցը հետագայում տվեց Թուրքիայում «ամերիկանիզմի» տարածմանը մեծապես աջակցած մի շարք միսիոներներ²³: Քիլիսայում, Մարաշում, Ուրֆայում և այլ քաղաքներում բողոքականութիւն պրոպագանդման գործում մեծ դեր խաղաց Այնթապի միսիան: 1855 թ. վերջինիս միացավ նախկինում Սիրիական միսիայի մեջ մտնող Անտիոքի մարզը՝ Հալեպից մինչև Քեսաբ, որտեղի քրիստոնյա բնակչութիւն մեջ մեծ թվով թուրքախոս հայեր կային: Սիրիայում միսիայի ընդլայնումը հանգեցրեց «Հարավ-հայկական միսիայի» ստեղծմանը, որի մեջ մտան Այնթապի, Մարաշի, Անտիոքի, Հալեպի և Ուրֆայի կայանները: Ադանան և Հաջնը ունեին առանձին կենտրոններ: 1860 թ. «Հարավ-հայկական միսիայի» մեջ մտան այլ քաղաքների միսիոներական կայանները և այն կոչվեց «Կենտրոնական թուրքական միսիա»:

Քննված փաստերը ակնհայտորեն վկայում են, որ չորդեն XIX դ. 50-ական թթ. սկզբին Փոքր Ասիայի Արևելյան ամբողջ տարածքը ծածկված էր միսիոներական կենտրոնների ցանցով, որտեղից ամերիկյան միսիոներները տարածում էին իրենց պրոպագանդան, քրիստոնյաների շրջանում ավելի ու ավելի ընդլայնելով սեփական ազդեցության ոլորտը: Այդպիսի կենտրոնների թիվը շուտով հասավ 115-ի (որոնցից 5-ը գլխավոր կենտրոններ էին, իսկ 110-ը՝ դրանց բաժանմունքները): Նրանցից գրեթե յուրաքանչյուրն ուներ իր տպարանը²⁴: Արևելյան միսիան բացել է 160 դպրոց, որոնք ունեին 4320 աշակերտ, 208 ուսուցիչ: Վերջիններս մեջ կային ոչ միայն ամերիկացիներ, հույներ, այլև տեղացի բողոքական հայեր: Միսիան ուներ 36 եկեղեցի²⁵: Նշանակալից նյութական միջոցների շնորհիվ ամերիկյան միսիոներները թափանցեցին Արևմտյան Հայաստանի բոլոր անկյունները: Նրանց գործունեության շնորհիվ 1822—1885 թթ. բողոքականությունն ընդունածների թիվը այստեղ հասավ 45 հազարի²⁶: Առանձին կենտրոնների գործունեությունը կոորդինացնելու նպատակով կենտրոնական միսիոնական ընկերությունը գումարում էր ամենամյա համագումարներ, որոնք հերթականությամբ անց էին կացվում միսիայի 5 գլխավոր կենտրոններում: Այդ համագումարների կազմակերպման համար հատկացվում էին խոշոր գումարներ: Այսպես, օրինակ, 1885 թ. էրզրումում կայացած համագումարի համար ծախսվեց 10 հազար ռուբլի: Ընդորում մինչ այդ Թուրքիայում բողոքական պրոպագանդայի նպատակով արդեն ծախսվել էր 25 միլիոն ռուբլի²⁷: Այդ գումարները տրամադրվում էին ինչպես անհատ «բարեգործների» կողմից, այնպես էլ արտասահմանյան կառավարական աղբյուրներից: Բողոքական միսիոներների գործունեությանը ըստ ամենայնի աջակցում էին ԱՄՆ-ի կառավարող շրջանները: «Արևելքում միսիաները օգտվում են Կոստանդնուպոլսում և Թեհրանում իրենց դեսպանների աջակցությունից»,— գրում էր Ա. Մ. Կոլյուբակինը²⁸:

Իրենց դրամական հսկայական միջոցներով, օգտագործելով գիտելիքների նկատմամբ բնակչության ձգտումը, բողոքական կազմակերպությունները Թուրքիայում ընդլայնված պրոպագանդիստական դրծունեություն ծավալեցին: Բավական է ասել, որ միայն 1888—1900 թթ. Ամերիկայի միսիոներները հրատարակել և Թուրքիայում տարածել են կրոնական բովանդակությամբ տարբեր լեզուներով 50000 գիրք և 100000 բրոշյուր: Պրոպագանդիստական նպատակներով նրանք հրատարակում

էին 13 պարբերական (այդ թվում և մանկական, հայերեն «Ավետաբեր» ամսագիրը): Իրենց գործունեության սկզբից մինչև 1900 թ. միսիոներները ԱՄՆ-ից Թուրքիա են առաքել 7 միլիոն գիրք, ընդ որում նրանց գործունեության ամբողջ հատկացումների գումարը հասնում էր 10 միլիոն դոլարի (որից միայն վերջին տառն տարում ծախսվել էր 700000 դոլար)²⁹:

Անդրադառնալով միսիոներների բուն նպատակներին, Թիֆլիսում լույս տեսնող «Արձագանք» թերթը գրում էր. «Միսիոներները ամեն կերպ աշխատում են մեռցնել հայոց մէջ հայրենիքը և ազգը սիրելու բնական զգացումները: Նոքա հայերէն տառերով մեղ համար 300-ից ավելի գիրք ունին տպագրած, բայց դոցանից և ոչ մեկի մէջ կայ «ազգ» և «հայրենիք» բառերը»³⁰:

Գիտության ծարավ մարդկանց ձեռքը կրոնական գրականություն խցկելով նկատում էր ուսա հեղինակներից մեկը, միսիոներները «հողագործության, արդյունաբերության, հիգիենայի և նենսագործունեության այլ բնագավառների օգտակար դիտելիքների վերաբերյալ հանրամատչելի երկեր չեն հրատարակում: Այդ իսկ պատճառով, եզրակացնում է նա, բողոքական միսիոներների պրոպագանդան ընդհանրապես շատ քիչ հաջողություն ունի»³¹: Եվ դրա բացատրությունը պարզ է՝ միսիոներական կազմակերպությունների գործունեությանը առաջադրվում էր ոչ թե բնակչության շահերով, այլ իրենց դոգմաները տարածելու և խարված մարդկանց իրենց հավատին բերելու դիտավորությանը, այդ նպատակին ծառայեցնելով ամեն մի միջոց՝ ընդհուպ նրանց առանձին խմբերի և հոգևորականության միջև տարածայնությունների հրահրումը: Անդրադառնալով «ամեն ինչ քանդելու ձգտող անկոչ բարեփոխիչների» գործունեությանը Ա. Կոլյուբակինը դիպուկ նկատում էր, որ միսիոներները փոխաբենը նոր ուշինչ չեն ստեղծում և որ այդ իսկ պատճառով, նրանց ջանքերը ժողովրդի մեջ ոչ հազվադեպ հակառակ արդյունքն են տալիս³²: Նայած պայմաններին այդ պայքարը զանազան ձևեր էր ստանում: Այսպես, օրինակ, ի պատասխան Ներսիսյանի անվան դպրոցի (Խաս. գյուղում) ուսումնական ծրագրում ամերիկացիների կողմից լանկաստերի ուսմունքը մտցնելուն, որն ընկալվեց որպես բողոքականության պրոպագանդա, դպրոցը փակվեց: Հայտնի են բնակչության միսիոներների և նրանց կամակատարների դեմ ուղղված ավելի ակտիվ գործողություններ: Այսպես, 1848 թ. ղեկավարները դիմադրեցին միսիոներներին, որոնք փորձում էին այստեղ դպրոց հիմ-

նկւ։ Ոչ հաղվադեպ, լինում էր, և այնպես, որ լուսավորչական հայերը ծնծում էին բողոքականութիւն ընդունած ռենկատներին։ Օրինակ, բողոքականութիւն ընդունած մի հայ քահանա. թաքնվում էր ամերիկացի միսիոներ Սմիթի տանը։ Հայերը պահանջեցին նրան իրենց հանձնել և երբ մերժում ստացան, սանդուղքներ դնելով՝ պատերով մազցելով, բակ մտան, ապա կոտրելով լուսամուտը, ներխուժեցին տուն, գտան քահանային, ինքնակամ պատժեցին նրան ու տարան իրենց հետ³³։

1845 թ. ամերիկյան միսիոներները փորձում էին թափանցել Մարաշ այնտեղ դպրոց հիմնելու նպատակով։ Սակայն հանդիպելով տեղի ընակչութեան դիմադրութեանը, նրանք, ստիպված եղան հեռանալ քաղաքից։ Բողոքականութիւն ընդունած յոթ հայեր ծնծի ենթարկվեցին։ Մարաշ թափանցող միսիոներների ձեռնարկած փորձերը ձախողվեցին նաև 1850—1851 թթ.³⁴։ Այս փաստերը վկայում են ամերիկյան միսիոներների գործունեութեան դեմ հայ ընակչութեան աճող դիմադրութեան մասին։ Այդ գործունեութեանը հատկապես շարժում էր լուսավորչական հոգևորականութեան դժգոհութիւնը՝ անմիջականորեն դիպչելով նրա շահերին։ Եվ հայ հոգևորականութեանը պատասխանում էր միսիոներներին ամեն կերպ, ինչպես կարող էր։ Հայտնի են Կոստանդնուպոլսի պատրիարքի՝ քաղաքի Բերեք թաղամասում ամերիկյան դըպրոցի բացմանը խանգարելու փորձերը։ Գիտենալով, որ միսիոներները օգտվում են քաղաքային չքավորութեան ծանր կացութիւնից ու նրանց իրենց ցանցը գցում, Մաթևոս պատրիարքը 1841—1848 թթ. աղքատներին օգնելու նպատակով հանգանակութիւն կազմակերպեց և կարողացավ այդպիսով լուսավորչականութեան գիրկը վերադարձնել ոչ քիչ թվով «ազգային եկեղեցում» հարկադրաբար «դավաճանածներին»³⁵։ Դրանից բացի, նույն նպատակով հայ հոգևորականութեանը ձեռնարկում էր ուսումնական իր հաստատութիւնների ցանցի ընդլայնմանը։ Ընդ որում, կարևոր է այն հանգամանքը, որ ամերիկացիների դպրոցների նման հաստատութիւններ կառուցելու իրենց միջոցների պակասը լուսավորչական գործիչները ջանում էին կոմպենսացնել սովորողների ուսման և կենցաղի ավելի լավ կազմակերպմամբ։ Ամերիկյան դպրոցը առաջին իսկ հայացքից զարմացնում է իր առանձնահատուկ կնիքով, որը նրան շեշտակի տարբերում է աղքատ կահավորված և պակաս ապահովված, բայց, այդուհանդերձ, ավելի հաճելի տպավորութիւն թողնող ազգային դպրոցից։ Սա վկայում է այն մասին, որ ազգային դպրոցները շարժում էին ոչ միայն հայ-լուսավորչականների,

այլև հաճախ՝ բողոքականների համակրանքը»³⁶։ Դրանում իրենց ոչ փոքր վաստակն ունեին նաև դպրոցական ուսուցիչները, որոնք իրենց սաներին դաստիարակում էին հարազատ ժողովրդի, նրա ավանդույթների նկատմամբ սիրո ու նվիրվածության ոգով։ Ընդ որում նշենք, որ շնայած ուսուցիչներին իրենց կողմը գրավելու բազմաթիվ փորձերին, այդ թվում և բողոքական վերնախաւի համագումարներին հրավիրելուն, նրանք բոյկոտում էին այդ համագումարները՝ բացահայտելով դրանց նպատակներն ու էությունը։

Փաստերը վկայում են, որ արդեն XIX դ. կեսերին ժողովուրդը ոչ միայն տարբերայնորեն էր դիմադրում միսիոներների շարժմանը, այլև առկա էին այդ շարժման կաղնակերպման որոշակի միտումներ։ Այսպես, 1846 թ. Կոստանդնուպոլսում ստեղծվեց «Համազգային ընկերություն», որը նպատակ էր դնում պայքարել հայերին բողոքականության հավատադարձելու դեմ։

Այդ կաղնակերպության անդամները ջանում էին ամրացնել ժողովրդի հավատը լուսավորչական եկեղեցու նկատմամբ, ուժեղացնել նրա ազգային զգացումները և խորացնել սերը հայ ժողովրդի անցյալի ու նրա մշակույթի վերաբերմամբ։ Նրանք ժողովրդին բացատրում էին, թե ինչ վնաս է բերում ռեներգատությունը իրենց ազգային շահերին։

Չնայած դիմադրությանը, ամերիկյան միսիոներներին հաջողվում էր որոշակի գործունեություն ծավալել իրենց կենտրոնների միջոցով, որոնց թիվը 1869 թ. հասել էր 21-ի, նույն 1869 թ. Օսմանյան կայսրությունում կար ամերիկյան բողոքականների 185 դպրոց³⁷, ապա 1884 թ. դրանց թիվը հասել էր 374-ի³⁸։ Նրանք իրենց գործունեությունը հատկապես ուժեղացրին առաջին համաշխարհային պատերազմի նախօրյակին։ Մինչև 1910 թ. երկրում գործում էր 430 ուսումնական հաստատություն, որոնցից 6-ը բարձրագույն դպրոց՝ 1219 ուսանողներով, 29 միջնակարգ դպրոց՝ 3012 աշակերտներով։ 1914 թ. Օսմանյան կայսրությունում արդեն գործում էր բողոքականների 675 դպրոց՝ 34317 աշակերտներով³⁹։

Ընդ որում առաջին համաշխարհային պատերազմի սկզբին երիտթուրքերի կողմից կապիտուլացիաների չեղյալ հայտարարվելու հետևանքով օտարերկրյա, այդ թվում ամերիկյան դպրոցների մեծ մասը դադարեցրեց իր գործունեությունը։ Սակայն պատերազմի ավարտից և Մուդրոսի զինադադարի ստորագրումից հետո (1918 թ.) Անտանտի պետությունները վերականգնեցին իրենց արտոնությունները և վերաբացեցին այդ դպրոցները։ Սակայն ազգային պատերազմի ավարտից

հետո քեմալականները կրկին վերացրին նշված արտոնությունները՝ Թուրքիայի սովվերենությունն հետ դրանց անհամատեղելիության պատճառաբանությամբ:

Կողանի 1923 թ. պայմանագրում արտասահմանյան դպրոցների հարցը չարժարժվեց: Բայց Իսմետ-փաշայի նամակում, որտեղ նա հատուկ անդրադառնում էր այդ խնդրին, խոստում էր տրվում պահպանել մինչև 1914 թ. հոկտեմբերի 30-ը եղած դպրոցները, պայմանով, որ դրանք անցնեն Թուրքիայի լուսավորության մինիստրության ենթակայությանը: Միաժամանակ նշում էր, որ այդ ենթակայությունը չընդունող դպրոցները կփակվեն: Բացի այդ, առաջարկվում էր օտարերկրյա դպրոցներում պարտադիր դարձնել թուրքերենի և Թուրքիայի պատմության ուսուցումը և արգելել աղբյուրի փոքրամասնությունների լեզուների դասավանդումը¹⁰:

1914 թ. Օսմանյան կայսրությունում գործող ամերիկյան բողոքականների դպրոցներում կրթության համակարգն ընդգրկում էր ուսուցման բոլոր աստիճանները՝ մանկապարտեզից մինչև բարձրագույն ուսումնական հաստատություններ: Այնտեղ ուսուցումը տարվում էր ամերիկյան համապատասխան ուսումնական հաստատությունների ծրագրերով: Միաժամանակ բողոքականների դպրոցներում, անգլերենից բացի, անցնում էին մայրենի լեզու, աղբյուրին գրականություն և պատմություն:

Ուշագրավ է այն հանգամանքը, որ կոլեջներում անցնում էին համընդհանուր պատմության լրիվ դասընթաց և այդ այն դեպքում, երբ թուրքական լուսավորության մինիստրությունը այդ դասընթացից հանել էր Ֆրանսիական 1789—1794 թթ. հեղափոխությունից հետո ընկած ամբողջ ժամանակաշրջանը՝ Օսմանյան կայսրության ավատակղերական միապետության շահերին չհամապատասխանելու պատճառով:

Ցանկանալով շահել, օրինակ, հայ ժողովրդի համակրանքը, հակառակ Արդուլ Համիդի բռնակալական արգելքներին, երբ թույլ չէր տրվում նույնիսկ արտաբերել «հայ» բառը, շատ կոլեջներում ոչ միայն հայոց լեզուն, այլև Հայաստանի պատմություն էին ուսումնասիրում: Չնայած սովթանական գրաքննությունը բժախնդրորեն հսկում էր պարբերական մամուլի նյութերը, արգելում պատմական ուսումնասիրությունները և եվրոպական դասականների երկերը, այդ կոլեջներում ստեղծվում էին գրադարաններ, որտեղ հավաքվում էին ձեռագրեր, հայերեն, անգլերեն և ֆրանսերեն լեզուներով պարբերական հրատարակություններ¹¹:

Միսիոներական դպրոցների սովորողների հիմնական մասը ազգային փոքրամասնությունների ներկայացուցիչներն էին: Դրա պատճառը այն էր, որ Թուրքիայի մուսուլման հոգևորականությունը հերձվածողական էր համարում «անհավատներից» որևէ բան փոխառելու միտքը, թուրքերին արգելում էր հաճախել այդ դպրոցները:

Սակայն XIX դ. վերջերից «տնտեսական և քաղաքական հայտնի գործոնների ազդեցության տակ այդ դրուժյունը սկսեց փոխվել»⁴², նվեթե 1890 թ. օտարերկրյա դպրոցներում սովորողների մեջ թուրքները կազմում էին ընդամենը 1%, ապա 1911 թ. նրանց քանակաձևը հասավ 56%-ի⁴³: Այդ պատճառով էլ միսիոներական դպրոցների թիվը ավելացավ. այն շրջաններում, որտեղ «հայտնի տնտեսական և քաղաքական գործոնները» հատկապես զգալի էին:

«Անհավատների» մոտ առաջինը սովորելու գնացին արտոնյալ դասերից սերվածները: «Լուսավորության պատմությունը Թուրքիայում» հինգհատորյա աշխատության հեղինակ Օսման էրգինը գրում էր, որ օտարերկրյա դպրոցների թուրք սովորողները հիմնականում այն երեխաներն են, որոնց ծնողները քաղաքական ու սոցիալական բարձր դիրքեր են գրավում»⁴⁴: Ռուս հետազոտող Ն. Կարինցը 1910 թ. նշում էր, որ «...այդ հոգևոր և աշխարհիկ դպրոցներն են ընդունվում ոչ թե բնակչության լայն զանգվածների, այլ միայն նրա ընտիր խավերի կոնսաները»⁴⁵:

Օտարերկրյա ուսումնական հաստատություններն ավարտածները դառնում էին առեկտրական տերությունները կողմնորոշված պետական պաշտոնյաներ, առևտրախաներ, դժվանագետներ:

Ամերիկյան ուսումնական հաստատություններից մեծ ճանաչում էր ստացել 1863 թ. Կոստանդնուպոլսում Մ. Համլինի բացած «Ռոբերտ կոլեջը»⁴⁶: Ուսուցումն այնտեղ տարվում էր երկու աստիճանով, առաջին աստիճանը տալիս էր բնագիտություն, երկրորդը (չորսամյա ժամկետով)՝ մասնագիտական պատրաստվածություն: Կոլեջում անցնում էին անգլերեն, ֆրանսերեն և մալթերեն լեզուներ, կրոն, ինչպես նաև թվաբանություն, աշխարհագրություն, պատմություն, ճարտասանություն, քաղտնտեսություն, քաղաքացիական իրավունք, արվեստից պատմություն, բնական գիտություններ, միաժամանակ, ինչպես վերը նշվեց, ուսումնասիրում էին ազգային գրականություն և պատմություն⁴⁷: «Ռոբերտ կոլեջի» ընթացավարներն իրավունք ունեին ընդունվել ՍՄՆ-ի բարձրագույն ուսումնական հաստատությունները:

Կոլեջը կարևոր դեր էր խաղում բողոքականության պրոպագանդա-

ման, ինչպես նաև Թուրքիայում ամերիկյան ազդեցության տարածման համար հասու կադրերի պատրաստման գործում:

Երկրորդ խոշոր ամերիկյան ուսումնական հաստատությունը Կոստանդնուպոլսի 1871 թ. հիմնված իգական կոլեջն էր (1932 թ. այն միացվեց «Ռոբերտ կոլեջին»): Այս երկու խոշոր ուսումնական հիմնարկներից բացի, 1879 թ. արական կոլեջներ բացվեցին Տարսուսում և Զմյուռնիայում:

Ամերիկյան բողոքականները կարևոր նշանակություն էին տալիս նաև տեխնիկական կրթությանը: Այսպես, Ուրֆայում կար արհեստագործական ինստիտուտ⁴⁸, որտեղ ուսուցանում էին դարձնագործություն, մեքենագործություն և այլ արհեստներ: «Նեփրատ կոլեջը» (բացված էր 1878 թ., խարբերդ քաղաքում) ուներ ժամանակակից մեքենաներով սարքավորված արհեստանոցներ⁴⁹, 1912 թ. «Ռոբերտ կոլեջին» կից բացվել էր ինժեներական ֆակուլտետ: Այս ուսումնական հաստատություններից բացի Թուրքիայում գործում էին ամենատարբեր բնագավառների մասնագետներ պատրաստող ևս մի քանի կենտրոններ: Բեյրութի կոլեջը ուներ բժշկական ֆակուլտետ⁵⁰: Հատուկ բժշկական կոլեջ էր բացվել Այնթապում⁵¹: Մի քանի կոլեջներ ունեին առևտրական, հաշվապահական գործի և այլ ճյուղերի մասնագետների պատրաստման բաժանմունքներ: Այսպես, օրինակ, 1891 թ. Իզմիրում հիմնադրված «Ինթերնեյշնլը կոլեջը» ուներ վաճառականական բաժանմունք: Բերված տվյալները վկայում են, թե ինչպիսի կարևոր նշանակություն էր տրվում Թուրքիայում ամերիկյան էքսպանսիային աջակցող կադրերի պատրաստմանը:

Այդ կոլեջների դասախոսական կազմը համալրված էր ամերիկացիներից, սակայն կային նաև թուրքեր, հայեր, հույներ: Ամերիկյան ուսումնական հաստատություններում աշխատում էին 750 ամերիկացի և 2300 տեղացի ուսուցիչներ⁵²:

Ամերիկյան դպրոցներում սովորողների թիվը հասնում էր 40 հազարի: XIX դ. դրանց հիմնական զանգվածը կազմում էին հայերը և, ընդհանրապես, քրիստոնյաները: Ըստ հնարավորին մեծ թվով սովորողներ ընդգրկելու մտադրությամբ ամերիկյան միսիոներները մտցրել էին անվճար ուսուցման համակարգ: Դպրոցներում կային նաև գիշերօթիկներ, որբանոցներ, սրանց սպասարկող հիվանդանոցային բաժիններ: Անկախ կրոնական պատկանելությունից կարիքավոր երեխաներին տրվում էր կրթաթոշակ: Հասկանալի է, որ իրենց ծրագրերը կազմելիս նրանք հաշվենկատորեն օգտագործում էին ժողովրդի տնտեսական և

քաղաքական ծանր վիճակը: «Կարելի է ամենայն վստահությամբ ա- սել, որ ծայրահեղ կարիքը, հայերի միջաւայր թափանցած կրթության անհրաժեշտության գիտակցության հետ մեկտեղ նրանց ստիպում է իրենց երեխաներին տալ ամերիկյան դպրոցներ»⁵³:

Սրանից բացի, ամերիկյան միսիոներներն իրենց գործունեության մեջ հատուկ տեղ էին հատկացնում դեմագոգիային, այն ամենին, ինչը XIX դ. աղբյուրները անվանում են «պրոպագանդա»: Խոսքը վերաբե- րում է մարդկանց տվյալ միսիոների քարոզած կրոնին դավանադար- ձելու նպատակով իրագործված «պրոպագանդային»:

«Միսիայի ուսումնական գործի բոլոր դրույթների և միջոցների միջոցով,—նշում էր Ա. Կոլլուբակինը,—կարմիր թելի նման անցնում է պրոպագանդայի ձգտումը և անբարյացակամ վերաբերմունքը այլ դա- վանանքների նկատմամբ: Նրանց գործունեությանը ի մոտս ծանոթա- նալը մեզ բերում է այն եզրակացության, որ պրոպագանդան միսիո- ներների ոչ միայն գլխավոր, այլև գրեթե բացառիկ նպատակն է, իսկ ամբողջ դպրոցական գործը սոսկ միջոց է այդ նպատակին հասնելու համար»⁵⁴: Եվ հետո, խոսելով այն մասին, թե պրոպագանդան ամերիկ- յան միսիոներների հիմնական նպատակն է, հեղինակը հիշատակում է անհավանական ցինիզմի այսպիսի մի փաստ. «Խարսիսթի կոնելում ոչ բողոքականները փոքրաթիվ են, իսկ բարձր դասարաններում՝ գրեթե բոլորովին չկան, քանի որ միսիոներները ամեն ինչից բարձր դասելով պրոպագանդայի գործը, սովորաբար մինչև դասընթացի վերջը չեն հասց- նում այն երիտասարդներին, որոնք հավատարիմ են մնում իրենց դավանանքին»⁵⁵:

Այս իմաստով ընդթագրական է ամերիկյան դպրոցներից մեկի մի սովորողի հետևյալ նամակը. «... ինչ վերաբերում է ինձ բողոքակա- նության դավանաբերելուն, այդ մասին դու մի անհանգստանա,—նշում էր նամակում,— միսիոներների համակրանքին արժանանալու համար ես նրանց հավաստիացնում եմ, թե սիրում եմ բողոքական հավատքը և հոգով բողոքական եմ: Բայց և ու ընկերներս այդպես ենք վարվում քաղաքական նկատառմամբ, այլապես մեզ դժվար էլլինք արևելքի գիտությունների դասընթացը. ես երբեք չեմ դավաճանի իմ հայրերի հավատին»⁵⁶: Հայերի ժամանակավոր և որոշակի նկատառումներով դավանափոխվելու մասին «Երեւակ» ամսագիրը գրում էր. «Արեւելեան քրիստոնեայնները իրենց նախնիքներէն սովորած հաւատքն դիւրաւ չէն թողոր եւ բողոքականութունը անոնց մէջ պարագայի կօծնք մըն է. եւ այս կրօնքիս հետեւողները առ ժամանակեայ բողոքական են, պաշտ-

պանութեան կարօտ ըլլալնին, ... կամ տուրքերնին թեթեւայ, կամ իրենք հարստանալով իրենց բաժնին ինկածը վճարելու կարող ըլլան նէ դարձեալ իրենց առաջին հաւատքնին կը դառնան»⁵⁷։

Ամերիկյան միսիոներնեքը չէին թաքցնում իրենց նպատակները։ Այսպես, 1855 թ. Թոքսթում բացված դպրոցի հիմնադիր Վան Լեննեպը իր օրագրում գրում էր. որ դպրոցը կոչված է պատրաստել երիտասարդությանը՝ կրոնին ծառայելու համար։ Նկատի առնելով երկրում լուսավորական գործի վիճակը, նրանք նպատակահարմար էին գտնում դպրոց ընդգրկել «բոլոր խոստումնալից երիտասարդներին», ընդ որում նախապատվութիւն տալով նրանց, ովքեր «մտավորական կարողութիւններով, իրենց բարոյականով եւ կրոնական նկարագրով» կարող էին ապացուցել, թե իրենք իրոք կոչված են այդպիսի կարևոր գործունեության համար։ Ընգամին, Վան Լեննեպը ընդգծում է, որ «կասկածելի նկարագիրով եւ ունակութիւններով երիտասարդներ», որոնք հարմար չեն՝ կրոնական գործունեության նախապատրաստվելու համար, դպրոցից ազատ են արձակվում, քանի որ նրանք չեն կարող տեղ ունենալ «քաջալերիչ կրօնասիրութեամբ տոգորուած երիտասարդներու հետ»⁵⁸, ավելի պարզ ասած, նրանց կողքին, ովքեր պատրաստ են՝ ամեն ինչ զոհել բողոքականության տարածման նպատակին։ Պետք է ասել, որ այդպիսիների թիվը առանձնապես մեծ չէր։ Դա զարմանալի չէ, բողոքականների դպրոցները սկզբնական շրջանում քիչ էին տարբերվում բուն միջնադարյան ուսումնական հաստատութիւններից. «Աշակերտների պարապմունքների, ինչպես նաև հանգստի բոլոր ժամերը խստիվ բաշխված են, ուրախ, աղմկոտ խաղերը վտարված։ Ամեն ինչ պետք է կատարվի խստաբարո և լուրջ, ամեն ինչում ակնհայտ է հայերի ազգային բնավորության, նրանց ապրելակերպի և սովորութիւններին անհարիր պեզանտիզմը»⁵⁹։

Ի դեպ, բողոքական միսիոներներին հազիվ թե հետաքրքրին «հայերի ազգային բնավորության, նրանց ապրելու կերպի ու սովորութիւնների» հանգամանքները։ Անգամ բուրժուական հեղինակները նշում են, որ ամերիկյան դպրոցները հիմնականում զբաղվում էին «ամերիկյան ապրելակերպի և արտադրանքի» պրոպագանդամբ⁶⁰։

Անդրադառնալով միսիոներների գործունեությանը, «Մուրճ» ամսագիրը գրում էր. «...բողոքականների դպրոցներում ամերիկյան միսիոներները աստիճանաբար էին բոլորքում հայ-լուսավորչական հավատի, անտարբերութիւն ամեն հայկականի և սեր պատվաստում բողոքականության նկատմամբ։ Հայ բողոքականների հայրենիքը համարվում

էր Ամերիկան: Բոլոր դասարաններում կախված էին Անգլիայի և Ամերիկայի քարտեզները և պարտադիր՝ ասուլիսներ «Աստվածաշնչից»⁸¹:

Այս փաստերը վկայում են, որ ամերիկյան միսիոներներն ուսումնական հաստատությունների միջոցով գաղափարապես մշակում էին երիտասարդությանը, դրանով իսկ նսլաստեղծվ պրոամերիկյան հոսանքի ձևավորմանը: Ամերիկյան միսիոներների ամբողջ գործունեությունը կոչված էր դյուրացնել ԱՄՆ-ի տնտեսական և քաղաքական էքսպանսիան Թուրքիայում:

Բանն այն է, որ միսիոներական դպրոցների որոշ շրջանավարտների միջավայրում տարածված էր այն «տեսությունը», թե միսիոներներն իրենց գործունեության մեջ առաջնորդվում էին քրիստոնեական այլասիրության գաղափարներով, չհետապնդելով ոչ մի շահագրգիռական նպատակ: Այդ «տեսություն» հետևողներից մեկը՝ Գ. Սաֆարյանը, կոչ էր անում հավատալ «նրանց մարդասիրական և քրիստոնեական նպատակների անկեղծությանը», հավաստիացնելով թե իբր, միսիոներները՝ ընդհանրապես և, բողոքականները. մասնավորապես նպատակ չունեին Արևմտյան Հայաստանում բողոքականություն տարածել: Ըստ նրա, միսիոներները միայն ցանկանում էին հայերին մայրենի լեզվով «նոր կտակարանը» ուսուցանել և հայ հոգևորականությունը օգնել ժամանակի ոգուն համապատասխան բարեփոխել լուսավորչական եկեղեցին: Ընդ որում Սարաֆյանը պնդում էր, թե միսիոներները հետամուտ էին ավելի ազնիվ նպատակի՝ լուսավորություն տարածել Օսմանյան կայսրության քրիստոնյա ժողովուրդների շրջանում և, որ նրանցից հետո էր, որ «կրթության հայկական միավորված ընկերությունը» իր ներդրումը բերեց տարրական դպրոցների ցանցի ընդլայնման գործում»⁸²:

Գնահատելով հայերի միջավայրում զանազան միսիոներական ընկերությունների գործունեությունը, Վ. Հայկը հավատացնում էր, թե միսիոներները, օրինակ «առաջնորդվելով կրոնական և մարդասիրական զգացմունքներով» ամեն ինչ անում էին հանուն հայ ժողովրդի բարօրության»⁸³, ամենևին չմտահոգվելով ո՛չ իրենց, ո՛չ էլ այն ամերիկյան հաստաքսականների մասին, որոնք ֆինանսավորում էին նրանց փորձունեությունը:

Ավելին, նա պնդում էր, թե միսիոներների լուսավորական գործունեության շնորհիվ «հայ ժողովուրդը առնչվեց XX դ. քաղաքականությանը»: Սակայն հայտնի իրողություն է, որ Հայաստանում դպրոցներ գոյություն ունեին վաղուց: Կասկածից դուրս է, որ Օսմանյան կայսրությունում հայերի, հույների և քրիստոնյա այլ ժողովուրդների

լուսավորական գործի դրվածքը շատ ավելի բարձր էր, քան թուրքերինը: Դրանում նրանք պարտական էին իրենց մշակույթի լուսավորական վաղեմի ավանդույթներին, բայց ոչ միսիոներական դպրոցներին: Մի խոսքով, բանն այն է, որ ամերիկյան և այլ միսիոներների գործունեությունը շրջափուլ չէր ինչպես Արեւմտյան Հայաստանի, այնպես էլ ամրողջ Օսմանյան կայսրության լուսավորական շարժման պատմության մեջ: Այդ իսկ պատճառով, չժխտելով Թուրքիայի լուսավորության զարգացման մեջ միսիոներների գործունեության նշանակությունը, չի կարելի համամիտ չլինել հայ մեծ լուսավորիչ, հեղափոխական-դեմոկրատ Մ. Նալբանդյանի այս առթիվ արտահայտած կարծիքին. «Ամերիկյան միսիոնարների չարաչար ընթացքը Տաճկաստանի մեջ, մեր խեղճ ազգին տված հարվածները, և Քրիստոսի ավետարանը իրենց ձեռքում խաբեության գործիք շինելը դոքա տակավին հարյուրից մեկը չեն, ինչ որ հայտնի է լուսավոր մարդոց առհասարակ որսորդ միսոնարների վերաբերությամբ, նոցա ասածների հարյուրերորդ մասը տակավին չէ...»⁶⁴: Եվ իրոք, միսիոներների լուսավորական, բարեգործական, մարդասիրական և այլ գործունեությունը հարյուր երրորդական մասն է կազմում այն ամեն բացասականի, որ նրանք բերեցին Արևելք: Իզուր չէ, որ բնորոշելով միսիոներների գործունեությունը, Վ. Ի. Լենինը նշում էր, որ նրանք «...կողոպուտի քաղաքականությունը կեղծավորությամբ քողարկում էին քրիստոնեության տարածումով»⁶⁵:

Վերը քննված փաստերը այս եզրակացության ևս մի խոստով հաստատում են:

Р. С. ДАНИЕЛЯН

ИЗ ИСТОРИИ ДЕЯТЕЛЬНОСТИ ПРОТЕСТАНТСКИХ МИССИОНЕРОВ В ОСМАНСКОЙ ИМПЕРИИ

(конец XIX—начало XX вв.)

Резюме

Статья посвящена проблемам идеологической экспансии капиталистических стран в Османской империи. Первоначально она проходила в форме учреждения в Турции миссионерских, филантропических и просветительских организаций, которые при непосредственной поддержке их государств занимались пропагандой культуры и языка своих стран. В статье подчеркивается, что их филантропические декларации скрывали далеко не альтру-

истинские интересы колониальных держав—обеспечить свое экономическое и политическое влияние в Турции.

Автор подробно останавливается на деятельности американских миссионеров в Османской империи.

Объектом особого внимания капиталистических стран стали окраинные районы Турции угнетенные христианские национальности которой в результате ассимиляторской, шовинистической политики султанского правительства постоянно находились под угрозой исламизации. Используя тяжелое положение нацменьшинств Османской империи и, в частности армян, миссионеры вели широкую пропаганду, обещая христианам, что с принятием протестанства они перейдут под покровительство их правительств, и тем самым отпадет угроза их насильственного уничтожения.

Деятельность протестантских миссионеров находила поддержку со стороны султанского правительства. Турецким правящим кругам было выгодно поддерживать религиозную разобщенность среди нацменьшинств, с тем чтобы расколоть их единство и таким образом ослабить национально-освободительное движение угнетенных народов.

- 1 Ա. Ալպայանեան, Պատմութիւն հայ դպրոցի, Գահիրե, 1947, էջ 548.
- 2 В. И. Семенов, Поездка в Малую Азию в 1901—1902 гг., СПб., 1904, с. 136.
- 3 E. Mears, Modern Turkey, New York, 1924, p. 130:
- 4 М. Кемаль, Путь новой Турции, М., 1929, т. 1. с. 406.
- 5 В. Духовская. Из дневника русской женщины в Эрзеруме во время военного занятия его в 1878 г, СПб., 1879, с. 23.
- 6 С. М. Акопян, Западная Армения в планах империалистических держав, Ереван, 1967, с. 632.
- 7 Ա. Ալպայանեան, Պատմութիւնը ներդիրի հայոց, Գահիրե, 1952, էջ 852; Kirsehirlioglu E., Türliyyede misyoner faaliyetleri, Istanbul, 1962, s. 29:
- 8 Ա. Ալպայանեան, Նշված աշխ., էջ 834—835; Kirsehirlioglu E., Նշված աշխ., էջ 25.
- 9 Ա. Ալպայանեան, Նշված աշխ., էջ 852:
- 10 Նույն տեղում, էջ 852—853:
- 11 E. Mears, Նշված աշխ., էջ 135:
- 12 Ա. Ալպայանեան, Պատմութիւնը ներդիրի հայոց, Գահիրե, 1952, էջ 853: L. J. Gordon, American Relations With Turkey, 1330—1930. An Economic Interpretation, London—Philadelphia, 1932, p. 221:
- 13 Թուրքիայում գործում էին նաև այլ երկրների միսիոներական դպրոցներ: Միայն Կոստանդնուպոլսում առաջին համաշխարհային պատերազմի տարիներին կային չորս իտալական, մեկ ֆրանսական, երկու ռուսական, երեք ավստրիական և չորս գերմանական դպրոց:

Բոլորից ավելի ուշ Մերձավորարևելյան մրցասպարեզ մտած Գերմանիան նույնպես ձգտում էր իր ռազմաքաղաքական և տնտեսական տիրապետությունը հաստատել Թուրքիայում: Նա իր էքսպանսիան սկսեց Թուրքիային պարտագրված ռազմական օգնությամբ, Շուտով Գերմանիան Բաղդադի երկաթուղագծի կառուցման կոնցեսիա ստացավ: Գերմանիան ևս գաղափարախոսական ներթափանցումն իրագործում էր եկեղեցու և դպրոցի միջոցով: 1896 թ. ստեղծվեց «Արևելքի ըրիստոնեաների օգնության գերմանական մարդասիրական ընկերությունը», որի կենտրոնը գտնվում էր Մալնի Ֆրանկֆուրտում: Գերմանական մեկ այլ՝ «Արևելյան միսիա» անունը կրող ընկերությունը գլխավորում էր մեծ հայասեր դոկտոր Ե. Լեփսիուսը:

1913 թ. Թուրքիայում կային 5 գլխավոր բարեգործական և կրթական կայաններ (Խարիտիում, Մարաշում, Մեղրիեում, Մուշում և Վանում), որոնց նպաստով գործում էին 10 միլիակարգ և 29 տարրական դպրոցներ (3400 աշակերտներով և 109 ուսուցիչներով), Տէւ Օսման Ergin, Türkiye maarif tarihi, İstanbul 1943, Շ. IV. s. 1233—1234; АВПР, Ф. Посольство в Константинополе 1898—1913, л. 5187, л. 54, 61; «Արձադաճ», 1892, № 32, Է. Kırşehirlioglu, նշված աշխ., էջ 37—38; Վահրէ Հայկ. Խարրերդ և անոր ոսկեղէն դաշտը, Նիւ Եորք, 1939, էջ 463—466:

24 Ա. Ալպոյաճեան, Պատմությունը եղդոկիոյ հայոց, Գահիրէ, 1952, էջ 843—844, V. N. Artinian, The formation of Catholic and Protestant Millets in Ottoman Empire.—The Armenian Review, vol. 28, № 1(109), 1975, p. 9.

15 Невзат Устюн, Америка и американцы в Турции, М., 1971, с. 9: Մանրաման տե՛ս L. J. Gordon, նշված աշխ., էջ 191—193, 210—211:

16 Հ. Գալուսեան, Մարաշ կամ Գերմանիկ եւ հերոս Ջեփոն, Նիւ-Եորք, 1934, էջ 855, H. G. O. Dwight, Christianity in Turkey: A Narrative of the protestant Reformation in Turkey: Church Constantinople—London, 1854, p. 32.

17 А. Убийчин и П-де-Куртель, Современное состояние Оттоманской империи, перевод с француз.. СПб., 1877, с. 198—199.

18 Ա. Ալպոյաճեան, նշված աշխ., էջ 840—847: H. G. O. Dwight, նշված աշխ., էջ 44:

19 А. Д. Ерицев, Список населенных пунктов бывшей Эрзерумской области, находившейся во временном управлении России, Тифлис, 1882, с. 73.

20 H. G. O. Dwight, նշված աշխ., էջ 291—292:

21 Է. Kırşehirlioglu, նշված աշխ., էջ 93: K. A. Sarafian, History of Education in Armenia, California, 1939, p. 165:

22 АВПР, ф. Политархив, оп. 482, д. 538, 1904. л. 133, 135.

23 АВПР, Политархив, оп. 482, д. 540, 1906, л. 147. Վահե Հայկ, նշված աշխ., էջ 322, L. J. Gordon, նշված աշխ., էջ 244:

24 А. М. Колюбакин, Деятельность протестантских миссий в северо-восточной части Азиатской Турции. — «Известия Кавказского отдела императорского русского географического общества», т. 9, вып. 1, Тифлис, 1885, с. 107.

25 Նույն տեղում, էջ 107:

- 26 Նույն տեղում, էջ 108, Վ. Н. Артинян, նշված աշխ., էջ 12:
- 27 А. М. Колюбакин, նշված աշխ., էջ 126—127, 130; АВПР. ф. Турецкий стол: (новый), 1911, д. 207, л. 5.
- 28 Նույն տեղում, էջ 104, АВПР, Турецкий стол (новый), 1911, д. 207) л. 3.
- 29 Kirehirlioglu E., նշված աշխ., էջ 32.
- 30 «Արձագանք», 1882, № 9, էջ 131:
- 31 А. Колюбакин, նշված աշխ էջ 127.
- 32 Նույն տեղում, էջ 132.
- 33 Л. С. Проскуряков, Заметки о Турции, — «Записки Кавказск. отд. императорского русского географ. общества», кн. XXV, вып. 1, Тифлис, 1903, с. 27.
- 34 Հ. Գալուսեան, նշված աշխ., էջ 658.
- 35 Յ. Յ. Զազմազեան, Հնդարձակ պատմութիւն հայոց սկզբն ժինչիւ մէր օրերը պատկերազարդ, Պոստըն, 1917, էջ 567, Վ. Н. Артинян, նշված աշխ., էջ 10—11:
- 36 А. Колюбакин, նշված աշխ., էջ 111, 136.
- 37 М. Кемаль, նշված աշխ., էջ 405.
- 38 А. Колюбакин, նշված աշխ., էջ 107—108.
- 39 E. Mears, նշված աշխ., էջ 131—132. А. Sarafian, նշված աշխ., էջ 170—171. Чернулуская, Несколько слов о народном образовании в Турции, — «Учитель и школа», 1914, № 19—20, с. 56; F. Ross, The Near East and American philanthropy, New-York, 1929, p. 156:
- 40 Северский мирный договор и акты, подписанные в Лозанне. Под ред. проф. Ключникова и проф. А. В. Сабанина, М., 1927, с. 254; Mukerrem Kamil Su, Türkiye cumhuriyet tarihi, Istanbul, 1957. էջ 134; «Մարմար», 22-VIII.1925. W. Gerard, The Chester oil Concession and the Lausanne Treaty: «The Armenian Review», vol. 28, № 1(109), էջ 29.
- 41 Լ. Զորմիսեան, նշված աշխ., էջ 560; Վաթն Հայկ. նշված աշխ., էջ 409—411, 420.
- 42 А. Д. Желтяков, Ю. А. Петросян, История просвещения в Турции (конец XVIII—начало XX в.), М., 1965, с. 134.
- 43 О. Ergin, նշված աշխ., էջ 1751: «Ռոսերտ-կոլեջում», օրինակ. 1863—1903 թթ. ու մի թուրք շի սովորելու Այդ նույն ժամանակաշրջանում հիշյալ կոլեջն ավարտել են 195 բուլղարացի, 144 հայ, 76 հույն, 2 հրեա և 17 ամերիկացի Ամերիկյան կանանց դպրոցի շրջանավարտների մեջ արձանագրված էին երկու ընդհանրական անուններ: Միայն երիտթուրքական հեղափոխությունից հետո թուրքերի թիվը նկատելի չափով ավելացավ: ԱՄՆ-ի կառավարող շրջանները մրգտում էին մեծ թվով թուրքերի ներգրավել ամերիկյան դպրոցների մեջ, որպեսզի հանձնեն նրանց ունենան ամերիկյան մշակույթի և գաղափարախոսության կրողներ: Մյուս կողմից թուրքական կառավարող շրջանները ևս շահագրգռված էին ավելի մեծ թվով թուրքազգի զրազեա կադրեր ունենալ: Թուրքիայում հանրապետական կարգերի հաստատումից հետո օտարերկրյա դպրոցներում սովորողների ազգային կազմը արժատապես փոխվեց: Այսպես, արդեն 1928—1929 թթ. «Ռոսերտ-կոլեջի» 700 ուսանողներից 532-ը թուրք էին (սովորողների 7⁵/₁₀):

„The Middle East Journal“, 1961, № 3 p. 293 М. Кемаль, Путь новой, Турции, т. 1, с 313.

44 О. Ergin, *Իշխած աշխ.*, էջ 648:

45 Քաղված է՝ А. Д. Желтянов. Ю. А. Петросян, *Իշխած աշխ.*, էջ 134:

46 Մանրամասն տե՛ս А. Д. Желтяков, Ю. А. Петросян, *Իշխած աշխ.*, էջ 140—143:

47 К. Д. Мачавариани, Колледж Роберта в Константинополе. Батум, 1902, с. 4—9.

48 Е. Чернолуская, *Իշխած աշխ.*, էջ 358—359:

49 Վահն շալի, *Իշխած աշխ.*, էջ 358—359:

50 АВПР, ф. Посольство в Константинополе, 1901, д. 5893, л. 15.

51 Լ. Սարգսիանց, Այդ թուրքաց ճայատանին, — «Մուրճ», 1889, № 11, էջ 1726:

52 Е. Чернолуская, *Իշխած աշխ.*, էջ 50:

53 А. Колюбакин, *Իշխած աշխ.*, էջ 112:

54 Նույն տեղում, էջ 120—121:

55 Նույն տեղում, էջ 115:

56 Նույն տեղում, էջ 116:

57 «Երեւակ», 1860, № 91, էջ 222—223, «Ժամանակ», 1864, № 44, էջ 141:

58 Ս. Ալաջանեան, *Իշխած աշխ.*, էջ 369:

59 А. Колюбакин, *Իշխած աշխ.*, էջ 111:

60 L. J. Gordon, *Իշխած աշխ.*, էջ 244:

61 Լ. Սարգսիանց, *Իշխած աշխ.*, «Մուրճ», 1889, № 11, էջ 1721—1722:

62 К. А. Sarafian, *Իշխած աշխ.*, էջ 169:

63 Վահն շալի, *Իշխած աշխ.*, էջ 427, 320:

64 Մ. Նարանդյան, *Ելժ, Երեւան*, 1949, հ. 4, էջ 304:

65 Վ. Ի. Լեւին, *Ելժ, հ. 4*, էջ 476: